

近
光
集

近

光

集

近光集卷十五 七言律

長洲汪士鋐 文升編纂

大同武弘彥 潞文叅注

天文

雨後月中玉堂閒坐

韓偓

銀臺直北金鑾外
暑雨初晴皓月中
唯對松篁聽刻漏
更無塵土翳虛空
綠香熨齒冰盤果
清冷侵肌水殿風
坐久忽聞鈴索動
玉堂西畔響丁東

玉堂

夢溪筆談唐翰林院在禁中乃人主燕居之所玉堂承明金鑾殿皆在其間

銀

臺金鑾

唐會要學士院在銀臺門內又置東翰林院於金鑾殿西刻漏後漢律曆

志孔壺爲漏

浮箭爲刻

鈴索

見一卷院鈴注

內直對月寄子華舍人持國廷評

歐陽修

禁署

一作省

沈沈玉漏傳月華雲表溢金盤纖埃不

隔光初滿萬物無聲夜向闌蓮燭燒殘愁夢斷蕙

鑪薰歇覺衣單水晶宮鎖黃金闕故比人間分外

寒

玉漏

蘇味道詩金吾不禁夜玉漏莫相催

蓮燭

唐令狐綯傳爲翕林承旨夜

燭盡帝以乘輿金蓮華炬送還院

水晶宮

述異記闔廬備極珍巧皆出自水

府

黃金闕

見五卷金闕注

水中月

謝宗可

晴波浸月月波浮玉兔涼生萬頃流丹桂影沈江浦夜白蓮光浴海天秋鮫人織罷綃猶濕龍女妝成鏡未收應是廣寒眠不得水晶宮裏夜深遊

月波

見一卷金波注

玉兔

見十卷四卷

丹桂

見六卷桂月注

鮫人

見五卷

龍女

岑參詩龍女何處來來時乘風雨

廣寒

明皇遊月宮見勝日廣寒清虛之府

見天寶

遺事

句

未離海底千山暗纔到天中萬國明

宋太祖華山下日出

奉和聖製從蓬萊向興慶閣道中畱春雨

中春望之作應制 王維

渭水自縈秦塞

一作甸

曲黃山舊遶漢宮斜鑿輿迴

出仙門柳閣道迴

一作遙

看上苑花雲裏帝城雙鳳

闕雨中春樹萬人家爲乘陽氣行時令不是宸遊

翫一作重物華

蓬萊興慶宮閣道

見五卷蓬萊三殿注 見九卷 夾城注

黃山

見二卷

鳳闕

長安志大明宮南面五門正南曰丹鳳宮之正門也

興慶閣道中雨中春望應制

李愷

別館春還淑氣催
三宮路轉鳳皇臺
雲飛北闕輕陰散
雨歇南山積翠來
御柳遙隨天仗發
林花不待曉風開
已知聖澤深無限
更喜年芳入睿才

別館

西京賦離宮別館三十六所

三宮

謂蓬萊興慶芙蓉園也詳見二卷夾城注

仗

見二卷

北堂春雨

韓琦

葉葉輕雲障薄羅
坐看膏澤灑庭柯
風前芳杏紅

香減煙外垂楊綠意多聲落檐牙飛短瀑點明池
面起圓波晴來西北憑闌望拂黛遙峰濯萬螺

春雨

楊載

濛濛春雨暗重城莽若山林雲氣生駕過東朝霑
羽蓋仗移前殿濕霓旌蒼松密掩巖頭鶴翠柳深
藏谷口鷺明日不愁花爛漫新晴陌上有人行

羽蓋

東京賦樹翠羽之高蓋

霓旌

上林賦拖蜺旌靡雲旗注析羽毛染以五采綴

以縷為旌有似虹蜺之氣也

四月五日微雨免朝與李太史世賢共出

皇城門喜而有作

程敏政

輕陰小雨夜連晨中使傳呼散紫宸
天氣薰蒸疑作暑風光回轉欲畱春
班分輦道花迎珮仗出宮牆柳映人
獨喜聯鑣歸去早六街消盡馬蹄塵

紫宸

宋禮志入閣者乃唐舊日紫宸殿受常朝之儀也唐紫宸與今同

東郊時雨

李東陽

鳴鳩將雨過東林細草青郊望轉深潤
入土膏春脉脉暝含山色晝沈沈
尋花問柳遊人興荷鍤扶犁野老心
見說帝城多景物春晴未必勝春陰

土膏

見八卷

句

小雨染成芳草色好風吹斷畫簷聲

陸游小園初霽

和王員外晴雪早朝

錢起

紫微晴雪帶恩光繞仗偏隨鵷鷺行
長信月留寧避曉宜春花滿不飛香
獨看積素凝清禁已覺輕寒讓太陽
題柱盛名兼絕唱風流誰繼漢田郎

紫微

見十卷

鵷鷺行

見六卷

長信

三輔黃圖長樂宮西有長信宮

宜

春

三輔黃圖宜春下苑在京城南隅

題柱

見十卷

和祠部王員外雪後早朝卽事

岑參

長安雪後似春歸
積素凝華連曙暉
色借玉珂迷曉騎
光添銀燭晃朝衣
西山落月臨天仗
北闕情雲捧禁闈
聞道仙郎歌白雪
由來此曲和人稀

玉珂

見一卷

銀燭

見一卷

白雪

見一卷
郢歌注

壬申元日大雪二日立春晴景豁然春讌

有作

張翥

白雪晴天映日紅
樓臺高下玉山中
盤蔬曉送冰

絲脆釵杏春生蠟蒂紅北斗龍杓迴後夜東皇鸞
輅駕靈風何如得接雲霄上一看煙花繞禁宮

盤蔬

見六卷春盤注

北斗迴

見二卷星迴次注

杓

見一卷寅杓注

東皇

尚書緯春爲東

皇又爲青帝

雪中早朝

張翥

北風吹雪浩漫漫曉出津橋立馬看春入上林花
樹早水連平地海波乾金城萬雉微茫濕貝闕雙
龍鼉屨寒今日天顏知有喜紫宸朝下散千官

金城

西都賦建金城之萬雉注雉長三丈高一丈

貝闕

見八鼉屨見

卷

雪後早朝

李東陽

六日長安雪滿城五更鍾鼓一時晴
水晶宮冷雲猶凍鵲樓高月正明
朝馬不嘶金勒靜院燈無影
玉堂清祇應天上寒如許怪底人間夢不成

鵲樓

吳均詩日映昆明
水春生鵲樓

雪夜直宿玉堂

黃清老

琪樹花生禁漏遲金莖月色近書闌
白雲入水春無迹銀漢橫空夜有輝
竹靜似聞蒼玉珮松寒欲

傍綠荷衣乾坤清氣蓬萊表獨對天風拂素徽

金莖

見一卷

蒼玉珮

禮記大夫珮水蒼玉而純組綬

奉酬辛大夫喜湖南臘月連日降雪見示

之作

劉長卿

長沙耆舊拜旌旗喜見江潭積雪時
柳絮三冬先北地梅花一夜遍南枝
初開窗閣寒光滿欲掩軍城暮色遲
閭里何人不相慶萬家同唱郢中詞

柳絮

見一卷撒鹽注

梅花

梁簡文帝雪朝詩落梅飛四注翻霓舞三襲

南枝

白氏六帖大庾嶺上

郢中詞

見一卷

梅南枝落北枝開

郢歌注

對雪

李商隱

寒氣先侵玉女扉清光旋透省郎闈梅花大庾嶺
頭發柳絮章臺街裏飛欲舞定隨曹植馬有情應
濕謝莊衣龍山萬里無多遠畱待行人二月歸

玉女扉

見十卷

省郎闈

白氏六帖諸曹郎署曰粉署

大庾嶺

舊書

地理志韶州東嶠縣卽大庾嶺一名梅嶺

章臺街

漢張敞傳時罷朝會過走馬章臺街

注在長安中李白詩章臺折楊柳春日路傍情

曹植馬

曹植有白馬篇

謝莊衣

宋符瑞志大明五年正月戊午元旦花雪降殿庭時右衛將軍謝莊下殿雪集衣還白上以爲

瑞於是公卿并作花雪詩

春雪

秦韜玉

雲重寒空思寂寥
玉塵如糝滿春朝
片才著地輕陷力
不禁風旋旋消
惹砌任他蝴蝶妬
縈叢自學小梅嬌
誰家醉卷朱簾看
絃管堂深暖易調

玉塵

見一卷

句

冬回庾嶺花無數
煙暖藍田玉有苗

尤延之甲午春前得

雪

慶雲見

李紳

禮成中岳陳金冊祥報慶雲冠玉峰輕未透杯疑
待鳳細非行雨詎從龍卷風變彩霏微薄照日籠
光映隱重還入九霄成沆瀣夕嵐生處鶴歸松

慶雲

見六卷
景雲注

從龍

見一卷

沆瀣

見六卷

瓊島春雲

李東陽

瑤峰獨立倚空蒼雲去雲來雨不妨旋逐春寒生
苑樹更隨晴日度宮牆玉皇居處重樓擁太史占
時五色光若與山龍同作繪也須能補舜衣裳

玉皇

翼聖傳玉皇君居於
雲房常有紅雲繞之

五色

見六卷
景雲注

山龍

書